

悟
舉
剛
集
章

悟
舉
剛
集
章

悟
舉
剛
集
章

梧峯先生別集目錄

詩

牛祿巖二首

逆賊見誅後有

赦景徵詠其事仍次

其韻

次景徵二首

謹次雪月丈韻

又次雪月丈韻

山城起感

丈人峯

出山

留別孤山丈

將往佳野路上見雪月丈佩酒而來坐
話沙頭醉吟一絕

雪月丈佩酒枉顧坐頃袖出詩累幅乃
步鍾離先生韻記榜會事也座中多
和者醉中亂草二篇

清涼山次入韻

謹次雪月丈韻謝枉顧

清歡正洽賤行輕發還投公廨月色如

書偶有短句錄呈雪月丈筵上諸位

敬次雪月文雷韻

次西厓先生題性真軸韻

次杜團練宣州韻奉呈雪月丈

謹呈景鎮先生詩案

雪月丈見招忙不克進途中書呈

藥園鄭相公輓

奉呈龍首亭主人

次龍首亭主人韻

輓鶴洞李公

送鄭子亨令公赴京用李叔平韻

送李而壯赴忠原

次曹汝益韻

將遊月影臺中路迴棹二首

自如驛有梅花至月始開折數枝來插于

瓶花爛發二十餘日不衰仍占一絕

四月八日奉母夫人設壽席

次簡齋韻

水操

夜操

次丘景仰韻

多仁縣次人韻遣懷

申文叔持灑然堂韻索和

病中偶吟

次忘憂堂郭丈韻

次郭丈韻送別子張

東閣夜酌次朴景承韻敘別

漫述

偶念冰崖風穴起感

雨中宿馬山村二絕

次朴廣文十日詠

次廣文

次可信月影臺韻

疊次嶺南樓韻四首

景釀臺下次李茂伯韻

次黃會元東萊酒席韻二首

漫興

雨晴後雲陰不開

述懷

偶與隣友膾魚前溪詠其事示寬甫二

首

次寬甫憶弟集杜詩十絕

秋間寬甫欲赴箕城見而壯有短律擬
贈別其行止未出後乃作行想今已
與而壯相會改點前述以寄所思

寬甫自關西還得而壯消息

偶記朴廣文與黃會元倡和糕字仍次
其韻

寒岡鄭先生輓

遇豐年記賀

偶出野外秋思清爽隨興而述

次方臺風樹堂韻

題甲子新曆

疏

辭承旨疏

附疏後識

書

上方伯書

答雪月文書四

識跋

書杜詩抄選卷後

亾兄手抄性理卷後議

祭文

祭鶴洞李公文

祭盧懼仲返櫬文

梧峯先生別集目錄

梧峯先生別集

詩

牛祿巖二首

此軒在宣城作

暫辭公廨席偶出碧溪濱柳影初分夕梅心欲
放春田氓應厭吏村酒強畱人覓得馬頭句奚
囊解却頻

醉過山陰縣吟臨石澗濱壑雲晴捲夕江草細
生春此地卽佳境暫時爲浪人應知東閣夢夜
逐白鷗頻

逆賊見誅後有赦景徵諫其事仍次

其韻

聖恩天廣大反側莫須驚
月靜南飛鵲春閒北
斗城暫勞黃帝鉞何問
綠林兵雷雨今朝下謳
吟屬漢京

次景徵二首 癸巳

百歲三分已一分人生四十柰
無聞身經百戰行將老顏借
三盃暫欲醺日出山河晴
靄靄春生楊柳綠紛紛故園
物色應如此時向南州望
白雲

春在梅花已十分故園消息苦
難聞忽忽作客

年添病兀兀逢君夜帶醺過眼英雄空鳥去關
心世故更紛紛窮途又灑楊朱淚慙殺無心出
岫雲

謹次雪月丈韻 甲午

自道禮安守人言南省郎如今醉不赴明日亦

何妨

先生時以禮曹正
郎兼禮安縣監

又次雪月丈韻

松菊猶無恙膏肓曾不改復有習家池能醉襄
陽宰

山城起感此下三首遊
清涼山作

祝融半天宇雉堞古基餘地利猶堪據天時自
不如函關曾未恃劔閣亦難居所守惟仁德斯
言莫謂虛

丈人峯

嚴莊端拱丈人峯迎送東丘幾箇雄不語蒼蒼
含萬古祇今雷記雪溪翁

出山

平生夢想隔名山纔到名山又未閒出洞回頭
有餘戀何時倚杖紫霄間紫霄清涼最高峯名
時忙未登臨故云

雷別孫山丈

琴公
蘭秀

丈人每說孤山好到縣三年未得遊多難更逢
兵革日佳期屢負水雲秋芒鞋告去丹楓晚戎
馬臨行白鬢愁早晏邊州 王事定得陪幽賞
暫消憂

將往佳野路上見雪月丈佩酒而來坐
話沙頭醉吟一絕 丙申

前衢立馬佳徘徊忽見沙頭長者來快倒一樽
良話穩清江白石淨無埃

雪月丈佩酒在顧坐頃袖出詩累幅示
之乃步鐘離先生韻記榜會事也座中

多和者醉中亂草二篇

薄宦支離臥病頻
軍州簿牒損精神
時從長者攀佳會
却向遼林愧古人

景仰高山夢寐頻
巖梅溪月舊風神
後生私淑寧無地
單父從師尚有人

清涼山次人韻
往年九月繼之以事來此今

菴起余之感

一脚飛來太白山
去年踏破九秋巒
今朝披入

三春雨鶴背仙人
夢想間

謹次雪月文韻謝柱顧

登樓暇日眼初明
細竹殘梅第與兄
草木光輝宣是地
康莊子女賈誰名
遊邊歲月忽忽去
守內風塵衮衮生
多謝雪仙勤載酒
喜聞歡伯破愁城

清歡政治賤行輕
發還投公癖月色如
晝偶有短句錄呈雪月堂
筵上諸位

好事當時宅風流
山簡盃清歡空皓月
錯出暮途來

敬次雪月文雷韻

縱無宣城詩尚有彭澤酒
寧適不頻來靡我謂

有咎

次西厓先生題性真軸韻

異時幽賞少從容
初過蓮花寺在東
林壑生霏山更活
石砭鳴電谷全聳
諸天樂事藤蘿隔
羣帝高居咫尺通
爲被吾師來索句
更教牀畔覓虛中

次杜團練宣州韻奉呈雪月丈

六鑽檣柞洛江秋
人苦推擠強自留
勝槩已論今句漏
風流何讓古邊頭
追隨耆老情無極
吟弄湖山樂未休
欲去戀同辭故土
異時頻作夢

中遊

謹呈景鎮先生詩案

分憂共佩南州印今日行藏有是非東海久聞
于定國宣城誰道謝玄暉應無獄裏煩冤鬼豈
有庭前草木輝兩地相思不相見滄波杳杳隔
鳧飛

雪月丈見招忙不克進途中書呈丁酉

事巡營時
過縣作

一去宣城歲幾回筭來人事却興哀風塵路
梧山下雪月堂高洛水隈今日重過山簡地巖

程難把習池孟高門有樂令人羨鶴長雙垂戲
老萊

藥圃鄭相公 琰 乙巳

公輔 自妙齡淵源洽沂老先生良臣悃幅
無他技耆老衣冠有典刑尚倚西樞存敬式忽
驚南極汲光明未能執紼緣身病題挽如今淚
自傾

奉呈龍首亭主人 韜 軒子孫公與 三 難 所
樓

碧岫清江界 蒙荷衣 樵人山河元氣會 宇宙一

亭春鷗鷺朋無黨於皇德有隣半生槐穴夢爭
似我公真

次龍首亭主人韻已酉

龍灣渡口喚孤舟時過風櫺爲蕩愁不許主人
專勝債剩分行子管清遊波聲細劈青銅散雲
影橫拖白練收此去未應忘此事異時魂夢落
瀕洲

輓鶴洞李公光俊

地毓山河秀公專間氣生聲名輝鴈塔步武感
鵬程瑚璉空廊廟銓衡錯重輕分符煩外補按

節乍東行考績登循吏遷班列亞卿暮年歸蓋
逸南極壽星明安穩環三逕優游近十齡龍門
崇器業鳳穴耀文明鄉黨歸深敬愚蒙倍下誠
銀篋承至誨玉樹倚芳盟無復歡心在難禁感
淚傾洛陽誰爲御函谷但傳經天闕貽憂重春
官備禮榮朝鄉添索莫耆老漸凋零霞峴新開
域鸞堂舊卜瑩未應違契闊那說異幽明一逝
人恒有長悲我易驚先山相望地題輓不勝情

送鄭子字令公

梅信號

赴

京用李叔

平韻庚戌

高秋軒蓋去堂堂瞻望西州道路長
玉事未應分險易壯遊那更較閒忙
雲間五彩開金闕天上羣仙謁玉皇
老眼恰觀周禮樂歸來說與病夫詳

吾人高義薄雲霄銜命如今入
聖朝鴨水清秋波浩浩燕山落日路遙遙
從他浮議何須問倚箇剛腸未盡銷
此去足償孤矢志異時曾次子應饒

送李而壯赴忠原 癸丑

月嶽新鳧鳥中原舊鯉庭
明時共理宰妙歲克

家聲竹覆金城宅鷗飛洛水亭經過人不在回首一傷情

次曹汝益友仁韻時汝益微官見罷

才子文章敵大招早年豪氣落霜鷗凌雲賦罷詞鋒壯叫日疏封直道饒齊客門前藏瑟好楚妃堂上掩容嬌窮通自是關天命莫道銀梯萬里遙

將遊月影臺中路廻棹二首岷下在檜

平蕪迢遞夕陽明一馬雙童刺史行欲問孤雲還悵望古臺春草倚山城

蘭漿桂棹汎空明
人在菱花鏡裏行
畫角一聲歸路晚
綠楊紅杏掩春城

自如驛有梅花至
月始開折數枝來插
于瓶花爛發閱二十餘日猶不衰仍占

一絕

霜峭冰嚴萬樹空
一壺天地自春風
金葩玉蘂神應護
禁得玄冥半月功

四月八日奉母夫人設壽席乙卯

四月良辰禱八日百年行樂幾
今朝東皇倒海添盃酌
南極低輝拂席飄風引笙歌
來鶴駕雲

開屏幃展鮫綃蒼宮若識萊筵意三淺蓬萊尚
不遑

次簡齋韻

爲客頻驚節序闌吾生本出涸陰寒十年去國
危腸在萬事關天老眼看日射平波明寶鑑雲
開尖嶂矗仙盤從他身外紛紛事醉裏何須掛
舌端

水操

龍驤千斛疾如飛霧幟雲旌作勢圍帆影落波
蛟鱗遁劍光翻日雪霜揮氣衝溟海千重遠威

壓扶桑萬丈歸報國應須各努力
九重南顧
正宵衣

夜操

連檣並纜簇樓船鼓角聲高殷碧天
森炬萬竿
金柱立點燈千朵玉繩懸將軍鈇鉞明如電
相
國旌旗杳入煙無賴腐儒今白髮幕中當日忝
籌筵

次丘景仰韻

落照煙巒翠正濃滿庭輝映紫微紅
東閣晚涼
堪濯熱睡鄉身世入羲農

多仁縣次人韻遣懷

久作籠禽戀茂林半庭殘葉已秋深
夢中一棹飄然逝故國青山夜夜尋

申文叔持灑然堂韻索和

時文叔舍令冊丘余忝捨山

華閭形勝冠南傾願卜隣居素有情
爽入牕扉披岳色涼來衾枕倚松聲
尋舟句漏風流在著夢槐安歲月更
早晚芒鞋追惠好洛東江上趁花明

病中偶吟

層稜瘠骨捻寒衾頭鬢蕭疎雪不禁
朝日滿牕

猶未起赤憎頑吏候庭陰

次忘憂堂郭文韻 丙辰

疇昔熊羆將如今鸞鶴情相邀南極老白日久
懸名

次郭文韻送別子張

黃塵南北路白首去畱情羞向江鷗說殘年薄
宦名

東閣夜酌次朴景承 守緒 韻敘別

咳唾明珠落地聯別來寒暑幾回年漫郎功業
居人後員外風流掣客先野水添盃千斛酒星

辰飛棟五更天
傷人莫問人間事
醉裏忘懷便

走仙

漫述

湖山佳處著衰翁
投老金章敢措躬
九十青春愁過隙
三千白髮怕臨銅
亂花芳草東風裏
碧靄清嵐細雨中
賴有一樽寬暮境
聖恩如海自無窮

偶念冰崖風穴起感

翠壁蒼巒墨墨環
冰崖風竇儘奇觀
火龍不禁三秋爽
炎帝還愁六月寒
堪破蟲疑寬肺熱
更

思孤煖薄衣單人間佳境清涼味爛熟商量仔細看

雨中宿馬山村二絕

水村寥落雨蕭蕭隔岸雞聲夜未朝歌枕捻衣頻起坐夢回清禁路迢迢

沙汀籬落夜蕭條破壁歌牕倚寂寥和夢似聞聲淅瀝海天將曉已生潮

次朴廣文瑞龜午日詠

孤城四面擁青山佳節頻來客未環盃上弓蛇連作祟鏡中頭髮半成斑鞞鞞裊裊遊人戲庭

字蕭蕭老子閒
悵望雲天空
坐嘯羈形還似入
籠鵬

次廣文 丁巳

客裏元宵四歲燈
夢中烏兔幾廻昇
行裝定似臨歸鴈
意緒還如已過僧
南國倦遊回謝屐
東皋欲返踵陶登
知君苦被梅花惱
詩酒風流老益增

次可信月影臺韻

夜夜滄波月影臨
雲來雲去本無心
千年物色分雷少
慣聽居人說翰林

疊次嶺南樓韻四首

十里清江萬里天
南州奇勝在樓前
聲聲魚躍晴沙外
點點鷗飛細雨邊
丹汞鍊成披羽翰
瑞茶湯嫩潑雲煙
纖歌交籟渾閒事
不信滕王做勝筵

南國雄藩有此樓
一登堪破百年愁
羣山杳入三山島
江水懸分弱水流
俯仰忽驚豪氣在
往來偏覺此生浮
誤恩儻借尋丹地
駕鶴揚州又一秋

潭影澄涵一色天
名區屈指岳陽前
客來倚檻

落花後官渡喚船芳草邊
淨洗薜蘿千嶂雨
淡粧楊柳數村煙
長吟未覺風流盡
樓上還開送別筵

恢拓兵餘再起樓
筭來興廢使人愁
天翻地覆山河在
物換星移歲月流
宿雨濛濛飛栢濕
輕雲細細畫簷浮
餘齡遊賞知誰力
聖壽宜過一萬秋

景釀臺下次李茂伯潤雨韻陪饗

晴江日色動明沙
銀沫飛空櫓夕波
猥忝鄭莊賓客地
仙舟二載較誰多

次黃會元東萊酒席韻二首

詞伯聲名擅斗南昔年清禁醉分柑飲中李白
呼仙八海上徐生入島三鉦鼓殷山箏未了笙
歌鬧席宴方酣芳筵一散千秋後盛事流傳入
口談

名郡梁萊竅嶺南人家抵鵲落黃柑畫屏展墨
山多少嘉客來從鷺兩三筆下篇章翻浪闊酒
中顏面帶春酣那知此地干戈後重覩茲遊做
勝談

漫興 戊午

白頭南海坐慵疎飽食厨人六歲魚偏覺 聖
恩深雨露却憐民命病瘡疽殊方煙月渾無賴
故土松篁尚有餘苦待秋風熟後清江一棹
去何如

雨晴後雲陰不開

暝靄沈沈不肯開前山蒼翠隱崔嵬野塘水滿
鳴蛙起庭樹林深宿鳥迴瘴癘連年渾鬢雪功
名晚節便心灰歸田苦待秋成熟只願明時棄
不才

迷懷

萬事悠悠過眼前忽驚霜鬢已蕭然心如丹矐
傾斜日官似黃楊危閏年種豆不關生理薄食
毛猶戴 聖恩全東風處處桃花發杖上應須
辦酒錢

偶與隣友贈魚前溪詠其事示寬甫二

首

此下間居
龜庄時作

勝日要寬抱相邀野客同清沙依樹影芳草壓
苔縫聶膾銀絲嫩炊餐玉粒紅偏將腹腴勸慙
媿此衰翁

天晴江上岸來趁白鷗同出履飄新織麻衫綻

舊縫輕拈秋露碧細疊野鮮紅一飽無餘願猶
堪慰老翁

次寬甫憶弟集杜詩十絕

不謂生戎馬如今歸未歸寄書長不達戎馬何
時稀

奮飛旣胡越丹心一寸灰舊時元日會頻爲草
堂廻

迨迨萬餘里汝去幾時來大君先息戰聖慮官
徘徊

待爾嘖烏鵲高秋念却回沈思歡會處好與鴈

同來

戰伐何由定應無見汝期生還偶然遂到日自

題詩

翻思在賊愁風雪濕重衫生死向前去平生方

寸心

衫字杜詩無他韻用他人句

歸飛隔暮雲矰繳絕須防眼枯却見骨萬里遙

相望

羣胡血洗箭殘害百萬師書成無過鴈頗覺寄

來遲

丈夫誓許國暮齒借前籌直為心危苦催人自

白頭

發日排南喜跋涉體何如連枝不日并巡圃念
攜鋤

秋間寬甫欲赴箕城見而壯有短律擬
贈別其行止未出後乃作行想今已與
而壯相會改點前述以寄所思

匹馬關西路天寒淚水涯影連鴻鴈峽飛急鶴
鷓沙千里連枝會三年夢草哦懸知風雨夜相
對點燈花

寬甫自關西還傳而壯消息

送子關西後玄冥不解嚴江寒舟楫凍天遠雪
風尖異域三年別連牀十日淹歸傳無限意相
對喜悲兼

偶記朴廣文與黃會元倡和糕字仍次

其韻

廣文才譽舊時曹晴吐虹霓萬丈高心似大鵬
揚宇宙身如老鶴滯江皋年華欺鬢千莖雪鄉
事關懷九月糕海畔相逢傾綠酒愁城撞破未
應牢

寒岡鄭先生輓

庚申

天心未欲扶吾道夫子如今棄後生
大呂洪音稀側耳連成雅賞早移情
門屏赤幟揮濂洛嶺海青衿失典刑
安得老文令作誅能言還恐未分明

遇豐年記賀

老逐田家伴逢秋歲報穰阡平雲卷影
錄利雪翻鋌落地紅珠響登盤白玉香
聊堪露八口含哺祝陶唐

偶出野外秋思清爽隨興而述

林居老子興飄然野外巾車日午天
丹筆畫成

山錦繡青銅磨出澗
嬋妍翱翔洞口松
爲蓋送迨溪頭鷺
是賢誰信田間存
勝事不妨如此送
殘年

次方臺風樹堂韻 辛酉

弱歲披襟閤苑風
魂夢三十八年中
林泉終要藏修便
棟宇新瞻刻鏤工
路入蔚藍登白鶴
梯飛碧落跨長虹
宅圖不必煩句令
肯許臺邊老此翁

堂前大樹不禁風
影響平生夢遊中
瞻望爲緣丘壠適
經營非要剪裁工
樓霞未必駭黃鶴
種

玉應知採白虹試欲發揮須老手記亭終屬后
山翁

題甲子新曆

鳳曆頒新印重逢甲子年不嫌身老大迎暖喜
春光

疏

辭承旨疏

同副承旨臣申之悌誠惶誠恐頓首頓首謹百
拜上言于 主上殿下伏以臣於上年五月間
偶感暑風仍得寒熱往復無常杜門伏枕垂過

半歲至十月初卒然昏倒不省人事語音不通
頽臥四五日湯藥針灸僅通喘息自是以後元
氣漸敗精神昏憤眼目眊翳痰逆氣結眩暈驚
悸種種諸疾輾轉沈痼自分朝夕死亡必至幸
自今年夏間暫似差歇始得出入間里今茲千
萬夢寐之外伏蒙 恩除召 命下來驚惶感
泣無地自容竊擬趨詣 闕下祇謝 恩命強
疾登途至比安地觸暑半日前證輒發氣眩痰
塞滿身寒戰昏憤眊翳比前尤甚脚膝無力腰
脇疼痛扶曳乘騎勢將顛仆瞻望 天門末由

前進神魂飛越不能自定伏乞 聖慈特垂天
地父母之仁許令鑄改職名以安愚分不勝戰
慄屏營之至

先祖梧峯先生值昏朝政亂無意仕進屢
除拜不起及癸亥 改玉閨廢主遜位時
事爲之潛然出涕未幾拜承旨遂辭以疾
短疏只陳病狀不一言及 新化從容婉
轉不迫不露當日知友惟五峯李相公及
敬亭李公識其意五峯挽先祖詩曰銀臺
新 命辭嚴名敬亭祭文有日出納惟允

之才將施之 新政而公則不起此爲吾
祖出處大節而按行狀實舉其端而不詳
載如誌碣等文初不槩說子姓後人恐無
以識得真面先師大山李先生嘗見體仁
說及此謂梧峯辭承旨一疏此君子末年
大節而恨不載文集中聞其嘗亡失而復
得之幸孰甚焉似當汲汲續刊以傳於世
其言常耿耿在耳今不傳后孫體仁僭不
自揆爲附數行語略錄顛末如右後之尚
論者若因此而取攷疏語得會微意則庶

幾有肅然起欽欲爲之發其幽光者矣六
世孫體仁謹識

書

上方伯書癸巳

伏以冬月垂盡賊兵不退臣民之痛已極恢復
之期何晚人以爲大勢已去無可有爲然設施
之策不得其當者亦非一二無狀如愚生欲將
鄙陋之懷試達咫尺之書還念在上之人豈不
明知於此特轉移之不早耳且守令之於道主
自有體貌難以冒犯囁嚅者有日則今猶未見

一舉事之快於人意而聲勢日漸虧損固未暇以傷體貌爲歎而緩聲於心痛也謹枚舉如左
其一曰賞典不明無以激人蓋爲兵者豈必力舉千鈞如烏獲射反四矢如窮羿然後謂之精也人思自奮各以殊死爲心則雖跛躄之卒亦可使制挺以撻敵人之堅甲利兵矣在夏月中得見 朝廷事自斬一級者及第二級者六品三級者堂上斬倭將者嘉善以此誥諭軍民頗有感動激發底氣象官兵鄉旅皆欲奮袂應募其間稍知義理如士大夫等固知無待於爵賞

如愚癡細民豈皆知親君死長之爲義哉不過
希功渴賞之心有以激之也邇間 國家報功
之舉與前事目之意大異失信於民已多矣腰
金頂玉之榮或歸於隨行逐隊之守令而一資
半級之恩不及於裹槍被銳之軍卒嗚呼將之
功固大矣 朝廷但知將之功而不知軍卒之
勞也無功者居右有功者在下軍民於是大失
所望怠心生而殊無可勤之道若是而持兵者
曰精兵不可得賊勢不敢嘗此不思之甚耳近
見南州人赴 行在所者士子則除官鄉賤則

免役自此人願歸者不可勝數恩賞之能聳動人心此其一驗也至於討賊也何獨不然未知道主以此詳聞於朝廷否既聞朝廷不違於施邪仄聞關西設大舉取武才以三千三百爲數謬計以爲不必爲此舉而報軍勞直如前日之賞格則科典不若是之苟且國家不失於民軍情不令而自相激厲精卒不患其難得賊勢不患其不可當也或者以爲官爵重器不容妄施此何等時爲此言也有國家然後斯有官爵則此豈論官爵輕重之日也古人出師見

怒蛙有式而敬之者豈以微蟲爲可敬激人之
道要如是耳重賞之下必有勇夫兵家之說不
其然乎其二曰軍律失中無以服人軍令主於
嚴輕則杖重則斬此不過行師用兵之際不得
已用重典使人知律之嚴而死之不可避也要
在爲將者一時弛張之得其道耳頃日龍宮之
戰也奔潰之卒論以法則雖盡殺無足惜然此
豈獨軍之罪也自盞山見敗以後將士及軍卒
無一人以退奔名罪而伏誅者彼不教之民其
心嘗以爲某將某人退遁於某地亦無罪責以

此爲常習也至於臨敵蒼黃爲將者或有知難
姑退之際下卒以爲將旣退吾可走於是烏散
四方復踵前習其罪則難赦而其情則可哀當
其時若斬一二人頭梟示軍中則轅門之威亦
非不嚴而卒使七十餘人重受重刑隕命者有
之殊失於軍律而軍民之受傷則重矣此則道
主徒知其罪而未及察其情也然已然者不必
論今者列邑退兵各囚次知丁壯則赴敵老弱
則繫獄居者行者一樣飢困其中有父母男女
者猶或哿矣無父母男女者妻入獄夫出境家

室不守產業難保逐日控訴怨言或露皆曰不
死於寇賊死於飢餓此豈姑爲怨上之語也揣
其情理亦然民之不支至此兵之責出何地譬
如木本根受病而枝葉自不得不瘁畢竟無益
而不足以使人知懼也縣監汎論其弊未得詳達而久
稟卒未蒙可此縣監汎論其弊未得詳達而久
滯不決縣監之罪於是大矣其三曰裨將不必
多蓋巡察爲任旣無與於赴戰則檢勅軍務節
制營門其爲使令雖止十餘人亦非不足不必
以庸庸瑣瑣實實之徒苟充其數無關於討捕

有費於廩莫也其間豈無勇敢慷慨之人而未
聞有斬一賊獻一馘者無乃有拘碍而未得行
其策者邪各驛則人馬不敢當列邑則供億不
敢支許多精兵歸於無用之地而爲弊則至於
此極道主召募之心初豈欲如是而已哉其四
曰武備不可緩蓋列邑軍裝一蕩於兵火再散
於戰陣雖念急急改備猶患其不足今者別無
申勅之令武庫餘藏其數不多一舉之後勢將
垂筒空卷則隨後更舉不亦難乎列邑亦非不
欲盡心措備而竹與膠得之不易竹則使海邑

刈取輸運非甚難事魚膠亦可移文於他道或有求得之路此正今日措置之先務也嗚呼亂初以爲此賊夏月不討當秋必滅至于秋則以爲當冬必退今歲已暮矣猶且相持不決蓋此賊其凶謀秘迹似非一朝一夕之計彼則以長久爲策而我則每姑息爲事不亦輕且濇乎今者設伏於龍醴之境優游度日埽蕩無術學費經年兵食俱弊將爲軍者皆曰天兵何日到西賊何時還吁天兵之到西賊之還無期而兵力之困糧資之匱日甚行復數月更欲何爲矣料

以爲不必爲此無益之設伏而大合諸陣兵馬
試決勝負此乃策之上而父老所大望於今日
者也如曰觀我之力量賊之勢強弱不相同不
可容易爲則寧爲下策可乎左道粗完茲若干
數邑耳當春蹂躪之患難保其必無竊恐粗合
之卒復散難合而艱聚之糧反爲齎盜糧之一
助耳然則不若先得險阻豫爲之所也如小白
清涼周王公山等地其險阻可據及於此時審
其形勢設其器械使近地兵糧藏置於其中終
有不可當之勢諸陣分據其險相爲翼援俟時

乃舉恐或爲一道也噫喪亂孔棘死亡無日不
揣荒拙妄陳至此支離冒妄誠可罪也

答雪月文書 壬辰

伏承下書就審動靜尚安昨日事已審其浪傳
邇來流聞類皆如此今復稍定耳倭虜消息前
日所聞外更無他傳且兩使節制事目各官傳
通回關等事寂無聞知此必列邑空虛道路阻
隔而然也仄聞京洛士民皆懷逃散城門晝閉
樵牧不便若然誠非細故將何以爲計西厓相
國爲元帥金公應南爲副結陣樓巖觀勢踰嶺

云此說亦未知其虛實設使踰嶺糧積既竭人
民又潰何以犒軍誰與赴戰真實關文別無他
故以寧海傳關次來到蓋爲倭虜中路直上
與否探問之也豈邊郡亦絕聲息而然邪以愚
遙度被賊甚巧詐若時在慶州則猶卽然矣深
恐還從東西兩海以發不測之變耳

答雲月丈書

謹承書問仰感倭賊已踰兩嶺忠州鎮亦見敗
此說安東人從西來者傳之云若然雖保一境
終將柰何昨日賊到安東之說果是問傳但念

倭賊若犯 京則方伯連帥當領兵馳赴以救
內變而寂然無簡書畢竟 國事將稅駕於何
地倭賊既不犯縣當勸土氓安事耕作俾無飢
餓且鍊兵馬以應義將之募而只以爲守令者
有見侮於醜虜爲念耳

答雪月丈書

謹承垂問兼審指意仰感倍萬兵相之行政在
明日欲招集散亾以候而民皆竄伏之不暇百
無應募之期只率數三軍官誰可使喚而行號
令於境內守令蒙罰此猶餘事而舉事之時行

軍道設伏指揮等事惟色人是類凡避寬
人等如或來現請以義理開諭奴僕中丁壯者
亦教以應來如何

答雪月文書

聚軍一事已無可圖設伏之令必未得行抱悶
遑遑誰可與謀兵相明日定到而只率軍官二
人何以應令也清涼之說果有之兵更造尚不
現憤痛奈何結陣之地行軍之路無可得知耳
識跋

書杜詩抄選卷後

余少時遊學於佳野時先師案上有杜詩全帙取而見之乃友人金君光門氏家藏也壬辰來守宣城值兵禍亂中心事有與子美同者思見其詩光門氏宣人也於是借覽之就其中抄其適於己好者分爲五卷但手品拙澀作字甚不正可恨俟善字者改書思與友生及後生子弟共之也

亾兄手抄性理卷後識

吾兄自幼小有志於學比長頗見成就四書及經傳皆手書日誦之其專致於事業有非別徒

所能及而區區踐履之實惟有舍弟知焉弟以
不才先兄竊名兄雖不以得失介意而弟每以
兄之懷玉不售爲一恨也兄亾今七年矣篋中
搜得此冊見卷末抄性理大全中好語若干章
其平日用力大有條理令弟對此不勝嗚咽吾
弟吾姪宜勿失也

祭文

祭鶴洞李公文

昔遊雲谷初拜我公一言獎掖起我愚蒙筮仕
初年詣謁松廡處世行已諄諄明誨至今商量

誠不我欺公有材德人莫能知空居廊廟屢屈
州縣纔出雲司暫試方面雖未大試尚有聲績
三朝耆舊國人攸服晚節歸老行止綽綽鄉黨
知尊士林仰式門容駟馬庭植三槐天報孔昭
垂裕後來往在春初公有譽節候問最後已題
謝客追奉胤書漸向佳穩常恃我公體力康健
日望乘秋暑退涼至神明扶佑勿藥有喜長年
遐筭輝耀南極不圖今夕承訃違訣莊重儀刑
已矣無及嗚呼我公克全終始如寄如歸達觀
一視後生在世撫時永傷平生敬事次第云亾

鳳山嶮城霞窗蒼茫長辭几杖已占窀穸有慟
曷已幽明永隔聊薦菲薄庶賜來格

祭盧懼仲景位返觀文

惟靈溫溫其質昂昂其姿好善爲心希聖自期
昔我無知年方角壯惟吾母宗君莫于鴈假緣
葭莩投分金蘭有數離合無負炎寒君適南州
我遊西京鴻鯉相阻榆柳屢更幾年之別逢此
干戈癸巳之秋偶見經過一命作官福州之驛
相就有便相愛無數頃日行營言笑暫開急走
隨至信音載來嗚呼哀哉惟我與君常棣繁英

有時相從翩翩脊令怡怡一室惠連康樂豈意
兩家同此落莫哭兄之淚哭我懼仲賢季之慟
余心之慟嗚呼哀哉初意遺衣假安韶縣今承
柳車言歸一善失我良友幽明永阻風塵浩蕩
執紼無路死已吞聲生何惻惻軍國畏簡竟闕
奔哭代奠薄醪庶幾來格

梧峯先生別集終

梧峯先生年譜

皇明世宗皇帝嘉靖四十一年明宗壬戌

七月十九日辛丑辰先生生于義城縣下川

新禮洞里第先生上祖本鵝洲人至九世祖按廉公居尚州丹密縣館洞里

五世祖上將公移居安東豐山縣鼎寺洞曾祖判決事公又移居新禮洞

四十二年癸亥先生二歲

四十三年甲子先生三歲

四十四年乙丑先生四歲

四十五年丙寅先生五歲

穆宗皇帝隆慶元年丁卯先生六歲

二年壬元宣祖大戊辰先生七歲始受書好讀書嘗

扶冊請學於隣外必受課學乃久不

三年己巳先生八歲十二月丁母夫人朴氏憂先生

哀毀已如成人所有處房內親求乳媪以哺之

四年庚午先生九歲嘗往來義興外家見

為之隕淚

五年辛未先生十歲夫人委曲順志有祥人所行難

能而亦有人未及盡知者

六年壬申先生十一歲

神宗皇帝萬曆元年癸酉先生十二歲

二年甲戌三先生十歲往佳野谷北安縣受學于惟

一齋金先生後學遊其門者數百餘人先生進

與伯氏之孝同往受學先生厲志力學晝夜

不憚金先生奇之曰此兒言貌謹重篤學又

成如此他日必成大器也
三年乙亥四先生十歲在佳野谷人時同學七十餘

日先生與參判權公泰一節度使朴公毅長

採薪于山同伴偶推樵一眠墜崖角死其子

許蒙一捕推者先府庭爭死府伯熟視之乃可

謂詐者曰三童子俱有宰相氣象不忍為一

柴炭之日若等勿慮退而讀書仍以此書齋近村

四年丙子先生十五歲受學

五年丁丑先生十歲

六年戊寅先生十歲 自佳野谷還家○讀書天

榜山持寶寺義城縣西○有村女美貌者來

躡不去先生默識其意據義嚴責使其女取

楚而來捷而遣之居數十日其夫持酒饌來

七年己卯先生十歲

八年庚辰先生十歲

九年辛巳先生十歲 與伯氏讀書冰山寺義城縣南

○寺壁有尹尚書國馨所題詩先生次其韻

十年壬午先生十一歲

十一年癸未 先生二歲

十二年甲申 先生三歲 二月聘夫人趙氏 刑曹贈

判書址之後 漁溪格之後

十三年乙酉 先生四歲

十四年丙戌 先生五歲

十五年丁亥 先生六歲

十六年戊子 先生七歲 四月聞惟一齋先生計

奔往哭之 誦乾

十七年己丑 先生八歲 二月捷增廣大小鄉試

○四月登文科甲科三人 對異端策擢第一 西厓柳先生為

恩門有問者曰新榜壯元其文何如而等第若是魏魏柳先生曰若品題其人則殆過

矣文五月拜務功郎司贍寺直長○乞假下

鄉省親拜展惟一齋先生墓○十一月陞宣

務郎還朝

十八年庚寅先生二十九歲四月授承訓郎○五月

授承議郎○乞假下鄉省親

十九年辛卯先生三十歲二月陞成均館典籍○

遷司憲府監察○六月除禮安縣監先生親老便

養願赴近邑鶴峯金先生惜之曰仕進之初

何可汲汲求外補乎朝議將薦君騎郎盍少

待乎先生答曰官路通塞有七月到縣○往

數且縣近庭闈為便於省觀

陶山謁退溪先生廟

先生嘗以生晚未及摠衣陶山門下為恨自茲

本縣每月尋院謁廟披閱遺蹟以寓感發與起之志與當日及門諸賢如月川趙公穆雪

月堂金公富倫良齋李公德弘惺惺齋琴公蘭秀往還從游講論經旨壬癸之亂軍興民

隱日不暇及而八月還鄉省親歷奠惟一齋亦不撤往復焉

先生墓 ○十一月授奉直郎

時有強盜十餘人捕繫縣獄節

度使委本官刑殺賊皆畏死戰慄先生命解縛諭之曰若等本以良民困衣食自陷不義

今吾生若若等能悛惡自新否賊皆感泣百拜願歸農先生并舍之自是縣境無警

二十年壬辰十一月授奉直郎

○聞倭寇猝發急馳還官

先生在家聞倭變于縣東孔谷先生急還禮安行將發忽有壯卒數十人稱禮安民謂迎使君來及達治所

諸卒遂常隨不去先生怪而問之聞賊犯東

乃前所活賊徒也願一死報德

邊領兵東赴尋聞賊逼內地還衙○五月兼

安東府使領兩邑兵擊倭時安東無守柏巖

集使禮安兵禦義城以下之賊以安集使褒

啓安集使則縣監申之悌然自守於列

邑奔潰之際使官事略再答雪月公書論時

無所虧其忠義可嘉云

事初三日書略曰倭虜消息前日所聞外更

空虛道阻隔而然也不聞京城士民皆懷

逃散城門晝開樵牧不便若然誠非細故何

以爲計以愚遙度彼賊甚巧詐若時在慶州

則恐還從東西兩海以發不測之變云云初

五日書略曰倭賊已踰兩嶺忠州鎮亦一見敗

此說安東人從西來者傳之若然雖保一境

討	儘	膽	川	不	日	固	比	生	扶	圍	勢	絕	赴	飢	賊	赴	終
賊	雄	精	趙	樂	所	嘉	還	馬	擁	後	甚	賊	龍	既	而	將	
之	奇	忠	公	然	害	也	先	後	先	無	熾	宮	且	寂	奈		
舉	自	鬼	有	聞	者	猶	生	馬	生	不	之	地	練	然	何		
故	註	亦	答	賊	小	戕	知	不	以	計	及	遼	兵	無	賊		
有	其	悲	先	自	所	害	其	能	出	潰	到	遇	馬	簡	若		
雄	下	自	生	安	全	人	為	前	時	散	龍	賊	以	書	犯		
奇	曰	古	詩	東	者	為	前	諸	一	先	宮	路	應	畢	京		
之	聞	強	曰	將	大	能	所	卒	壯	生	城	先	義	竟	則		
語	有	梁	波	犯	遂	凌	活	拔	官	以	招	生	將	方	伯		
云	糾	終	瀾	本	鮮	惡	賊	劍	七	單	集	聞	之	國	事		
旅	旅	殄	起	縣	去	乎	徒	擊	十	騎	兩	賊	募	將	將		
聞	伯	滅	伏	復	先	諸	謂	之	餘	獨	邑	自	云	稅	當		
伯	氏	只	詞	謀	生	卒	曰	即	人	立	兵	龍	云	駕	領		
氏	訃	今	何	糾	每	叩	若	若	突	烏	民	宮	無	何	兵		
伯	伯	籌	壯	兵	念	頭	等	于	攀	望	為	向	領	地	馳		
氏	伯	策	肝	月	官	謝	志	地	附	賊	遮	京	兵				

長先生一歲先生事之如嚴父至是伯氏避
亂鷹洞巖穴間為倭刃所害臨絕鮮紬衫濡
血作書寄先生勉以死國先生繫於官守未
卽奔哭平生痛限入髓尋常語及朝鳴咽流
涕七月答雪月公書請諭集散民相略曰兵
在明日期欲招集散亡以待而民皆逃竄百
應募之期只率數三軍官誰可使喚而行號
令於境內舉事之時行軍道路設伏指揮等
事惟邑人是賴凡避竄民人等如或來現請
以義理開諭奴僕中丁壯
者亦教以應來如何云云

二十一年癸巳

先生三歲春遇孫聲漢景微陽字

於野城賦詩述懷詩集五月聞鶴峯先生訃

哭之金先生為右方伯四哭金近始齋瑛字

○金公與先生同年交契甚厚至是金公為
義兵將先生相與語及國事慨然以為吾

輩當一心殉國晚有不幸可託以妻子未
 幾金公痛卒於慶州陣中先生痛惜不已時
 值饑荒公之闔室飢餒濱死先生極力調救
 全誄有冬上方伯書論籌策得失四條一賞
 明二軍律不可緩○三裨將不必多十二月會葬
 四武備不可緩○書載別集
 鶴峯先生東佳川先生喪車自晉州返葬于安
 ○接門下祭文中自謂吾人之不肖無狀往
 來○接門下祭文中自謂吾人之不肖無狀往
 鶴峯先生所師事而見於鶴老人東溪趙公亨
 道祭先生文曰夙見於鶴老人東溪趙公亨
 谷蓋先生嘗師事從遊於金先生而其登門
 月百無以考認故事錄其聞計會葬年其登門
 右歲饑設賑賑濟之日給斗粟曰人情見多易
 費不如此意輒救縣民賴免顛整遠近流丐
 聞聲金集先生曰均是赤子不忍分彼此遂

並賑之全活者數千餘人

二十二年甲午先生三歲正月授通善郎禮曹

正郎兼禮安縣監所巡察使以先生不離任九

月往清涼山觀險阻形便可據前冬先生上

得險阻如小白清宗周王公山等地審其形勢設其器械諸陣分據相為翼援則或為一

道云云至是慕堂洪公履祥歷孤山訪惺惺為方伯屬先生往觀清涼

齋琴公仍與之偕有遊清涼山錄略曰琴丈

潭見退溪先生手題小詩雷在崖石敬玩之筆跡昭然如昨室中有退老詩懸壁琴丈出

寶帖二示余嘗聚先生平日往復書札及製述為珍藏者與琴丈行到清涼日晚復投孤

山夜深入精舍出書冊披覽明日琴丈送余于舟上大抵中國名山非一而問令人起敬

者曰衡山曰廬山為有南軒晦菴二先生遊
賞發揮也東國名山非一而問令人起敬者
曰清涼為有退溪先生來往遊賞也千巖萬
壑尚帶杖履遺迹望其十二峯有卓乎不可
及者有凜然不可犯者有磅礴雄威可依而
歸者有端莊嚴毅可仰而敬者余之愛清涼
不但愛一山而已嗟乎生於東國也晚歸來
今日已後山顏之三十年矣樸愚迂野俚俚
何歸風塵浩蕩事業蹉跎私淑之志又
已非矣清涼得無感於余心乎云云

二十三年乙未先生三十四歲四月兼帶春秋館記

事官

二十四年丙申先生三十五歲二月授朝奉大夫○

三月往真惟一齋先生墓時惟一齋夫人在

公真墓後仍五月秩滿遷工曹正郎○體察

使李相國元翼啓請仍任從也七月授朝

散大夫兼帶春秋館記注官

二十五年丁酉先生三十六歲二月拜司諫院正言

遞拜世子侍講院文學○三月以病辭授

龍驤衛副司直○還鄉省親○四月除巡察

使從事官○與方伯入守八公山城時倭寇

伯李用淳先生入山城因督列邑守宰為出戰

入守計先生偕入與義城縣令呂大老義興

縣監李大期慶山縣令趙亨道慶州府尹朴

毅長新寧縣監孫起陽青松府使朴惟仁河

陽縣監文貫道翁山郡守金太虛承川郡守

洪季男防禦使權應鉢諸公一心守死終始

同難事載孫公過禮安縣寄詩謝雪月公先

生以從事官過禮安雪月公要與趙大笑軒

相見甚懇忙未克赴以詩謝之嘗自述其事曰

宗道字會語咸陽郡境公氣岸軒豁志操耿

介以大笑自號遭亂宰成陽余時以幕官過

郡境公持酒出迎席間語及時事揮淚嗚咽

仍誦其所作空峒山外生猶樂巡遠城中死

亦榮之句未數月賊陷黃石山城公與郭趨

云死赴火旺山城與忘憂郭公祐同盟倡義

郭公自石門山城移守火旺復起

義旅先生往赴遂題名倡義錄

二十六年戊戌先生三歲三月題先伯氏手抄

性理卷後識載秋惺惺齋琴公寫送古鏡重

磨方古鏡重磨方者退溪先生所編載古今

寫送而卷末特書曰萬曆戊戌秋

寫申梧峯書于孤山之精舍云

二十七年己亥先生三十八歲

二十八年庚子先生三十九歲二月授中訓大夫拜

全羅道都事有湖南諸作五月子弘望生初先生無子夢

神人抱兒告之曰積善之家必有餘慶錫君以桂陽兒宜名以望字云

二十九年辛丑先生四十歲正月拜禮曹佐郎○

二月陞中直大夫拜禮曹正郎先生蹤跡未嘗一及權門

一人有勸者曰其宰相愛君風度頗願見何不往乎先生不答他日又來言曰以君才望

沈淪下僚時宰之必欲見君者其意將大用屈志一往何妨先生笑曰竊通有命草野寒

士豈空乎七月與嶺中諸公設同道會于掌

樂院有題名卷凡二十詩人五八月除全州

府判官

府中事務甚煩先生盡心裁決無不當理抑強與弱咸惠並流州人立石

頌之

三十年壬寅

先生四十一歲

三月拜司憲府持平○

授通訓大夫為體察使從事官○差全羅道

暗行

御史

別吏蠹蘇民瘼黜陟公明不饒彊禦守令莫不震懼

七月

被抄實錄校正廳郎廳

三十一年癸卯

先生四十二歲

八月差慶尚道軍務

按覈使

三十二年甲辰

先生四十三歲

五月拜侍講院文學

兼春秋館記注官知製

教○製進

教李

光岳高曦書皆臣辰錄尾 聖宣武原從勳

一等

三十三年乙巳先生四歲五月拜司憲府持平

兼如故 拜侍講院文學還拜持平○與同

僚契會于霜臺憲府同僚約為契會列名寫

應 旨草憲府劄子時有風水災自竊念此

年以來天地日月星辰之異江海木石鳥獸

之妖皆非聖世之所宜有如曰天視非自

我則經為誣矣曰人事無可言則天為嫌矣

臣等若以持操養資為計苦口逆耳為嫌而

誅固不虛受欺天也言而不當當仗妄言之

中外因梓紀綱日嚴政令日紊尚賴祖宗

遺澤得保維持非有朝廷制置能使之然

賞小	有某	點一	不致	其行	社稷	之安	致誠	大綱	突而	公非	者無	而莫	當時	幾番	國事	也公
官已	某因	致字	致念	行直	稷臣	安而	誠正	綱領	而非	無與	莫之	論動	番人	事為	公道	
濫為	緣朝	始也	念也	而者	者為	未聞	之細	細務	已南	於我	察朝	搖而	進而	念每	掃蕩	
致令	其有	比人	也人	難為	賢為	舍一	學參	不參	轉虞	裁成	廷任	廟堂	幾番	一私	意橫	
物情	某攀	來每	君欲	容用	乎一	際二	贊位	足為	未弭	輔相	任其	堂鉗	番人	番人	橫流	
不快	附除	於下	於下	舍或	則其	以事	育之	也幾	北警	責諫	為而	制臺	人退	一以	排擠	
問巷	目未	無私	無私	差存	言甘	君終	之殿	不幾	繼急	諫諍	而莫	省浮	邪一	番人	為事	
藉免	未下	日則	則當	存亡	而所	始者	功非	過日	今急	者未	之禁	薄新	番人	排擠		
藉臣	物色	外間	當自	所係	易入	為賢	不臨	曰立	日之	出於	任變	聖明	式至	為事		
等竊	先定	之克	自克	尤不	一則	乎以	講之	大根	之變	公是	理	有所	于今	不		
恐		人指	去私	不得	則	安知	熟行	本挈	天			蔽				

若此種必非宮家所能盡知而畢竟羣怨	禍擅用刑獄一如公衙抱枉呼怨有忍聞	者或被首侵欺市井商賈之有銀錢者反招殃	不俛首方伯不能下手外方人吏之典貢賦	附而生梗於官小或違拂欺蔽多端守令莫	田謀背之奴爭投而反戈於主逃役之民競	之類假託城社彌滿四方奪人口臧獲惡人	請不得反受其禍適足藉其口臧獲惡人	正罪揆之國體有甚損而重臣近臣交	况非宮奴而假稱者乎當時一奸奴按法	殺王子為士者可執之而已設使執法之官請論	知殿下退而腹非心訕於家者為敬乎瞽	大段而羣下許以為直則於聖意以爲不	有過而施以義方之教乎近於聖意以爲不	相此近臣不譴謫噫闕門之外得聞喧沸而	此事輒遭譴謫噫闕門之外得聞喧沸而	事為今日難言之膏肓也且官家貽弊及	此等舉措大為聖治累也且官家貽弊及
------------------	------------------	--------------------	-------------------	-------------------	-------------------	-------------------	------------------	-----------------	------------------	---------------------	------------------	------------------	-------------------	-------------------	------------------	------------------	------------------

歸於何地臣等切痛焉况聖朝金慶大無慮
 王派昌衍將來效尤有不可勝救不得無慮
 也伏願正大殿下先去係吝之萌快示公共
 道光明正大治出於建中建極之心然後
 公道可恢私情可遏竊念壬辰泥露之中君
 臣上戒謹省懼之心為如何耶若使是心
 常存則天心能久已悔禍矣未審在殿下
 蠶獲之中能不忘在營之憂乎在廷之臣有
 能憂殿下之憂者乎古人有言曰災多者
 興又曰亡者保其存伏願殿下有神焉時
 宰格而不奏先生呈告還鄉九月哭藥圃鄭
 相公詩有執陪左承旨公約會李松塢軫南溪
 輔二公子鴻巖巖在義城桃李院○二公居
 至是先生修契事
 約會先生陪往

三十四年丙午先生四十五歲四月授忠武衛副司

勇○七月除統制使從事官統營是工匠湊會之地而先生

性儉約行裝敝毀未嘗改造焉○時樂齋徐公思遠貽先生書曰帥幕非所以處賢者淹

滯獨賢不無瘡絛之歎每仰聰明英特起出等夷不敢不以仕優之學眷眷於左右也

三十五年丁未先生四歲三月除江界府判官

以左承旨公有疾不赴○四月丁左承旨公

憂○南溪李公來弔○五月聞西厓先生計

○六月行焚黃奠以先生參勳 贈考左承旨母朴氏 贈淑夫人吳

氏封淑夫人七月葬左承旨公于比安縣東花藏

洞廬墓三年

三十六年戊申先生四十七歲二月 宣祖昇遐先生

出廬門西
望痛哭

三十七年光海元年已酉先生四十八歲二月五峯李相

公來弔廬所○三月孫鰲漢來弔廬所○六

月服闋○七月盧敬菴景任來訪○八月始

自廬所還家○哭南溪李公于其第有祭十

二月拜工曹正郎不赴昏朝政亂先

三十八年庚戌先生四十九歲三月除忠清道都事

將行蒼石李公竣贈詩曰臺閣自今多後進

朝廷讒復記先生孤帆又向湖中去風雨前

江浪未平路白頭行到龍仁館賦詩曰芳草

東南西去路白頭行到龍仁館賦詩曰芳草

朱淚魂夢應知落某丘先生傷有送洪西潭

偉字詩元集五月解歸○七月送鄭梅牕信

字子赴京別詩八月除咸鏡道評事不赴

三十九年辛亥先生五歲十月除全羅道都事

不赴

四十年壬子先生五歲

四十一年癸丑先生五歲八月除昌原府使○

九月以母夫人命僛免赴任先生自湖西亞

仕意屢次除官曾未一赴至是亦無意趨肅

吳夫人促行甚切先生不得已強起赴官○

先生肅退在京邸有當路屬之日治下有職

獲當詣訟幸為我善處之先生曰公心明聽

是非自分亡或以非理干我沉舟南浦登遊

否囑者赧然而去竟不就訟

月影臺有臺記十月還鄉省墓奉母夫人來任

所

四十二年甲寅先生五歲踏青日與趙澗松道

躡字德遊月影臺有唱酬詩成芙蓉堂安義字精甫來留

屢日有唱酬詩四月與孫鰲漢汎舟空明亭下訪

忘憂郭公于滄巖江亭亭在靈山郭公所棲

營建學校本府兵燹之後學校頽廢先五月

和五峯李相公詩詩載元集八月掌式科監試○

九月掌武科都會試

四十三年乙卯先生四歲四月設母夫人壽酌

○八月還鄉省墓

四十四年丙辰先生五十五歲正月會諸生于覺堂

講學○二月奉還母夫人于家時有邊警未得解歸故先

奉還母夫人先生陪送至漆谷同鑑湖呂公汎舟馬浦有唱酬詩

四月李紫巖民安字全南溪以性字來訪○

十一月哭柏巖金公詩有轍

四十五年丁巳先生五十六歲正月哭孫聲漢有乾祭文

二月還鄉省親仍與李敬亭民安字紫巖會

冰溪洞口酌酒賦詩詩載元集三月重修海亭亭在

昌原寒岡鄭先生所嘗棲息也邑儒請改構先生捐俸助役有重修韻○鄭先生昭先生

書曰海上曾有弊亭茲聞府下後生輩為改
構講學之計殊非易事竊想留念惠顧云云

四月哭忘憂堂郭公詩有軌五月陞通政階賊獷

鄭大立聚黨累千人出沒海島焚掠州縣朝
廷憂之先生多設方略悉捕巨魁餘黨瓦解

沿海諸邑賴安事聞陞資教書略曰惟爾

劉以濟柔學而為政昔乘驄於憲府凜凜生
風建割雞於名成恢恢游刃云云○時仁弘

在陝川遙執朝權先生宰近境六載足跡一
不及門仁弘雖知其不附已而猶未修卻有

造言者謂府使私用官納綿布四十疋播告
仁弘仁弘曰吾聞其為政必無是也先生聞

之令會府民于鄉堂俾覈布數只省有無不
復問造言者及先生遞歸與李石潭潤雨字

其人來餞路上追謝而去與李石潭潤雨字

陪寒岡先生遊海亭李公呼有贈黃海月一

元字會詩黃公以東萊伯秩滿

四十六年戊午先生五十七歲述檜山雜詠序先生

親意強來從官而簿牒之暇未嘗不忽忽無聊有去國違鄉之戀傷時悼物之志往往發

於詞句錄為一冊名之曰檜山雜詠自述其序略曰斗米見羈鬱彭澤之歸思故吁嗟詩

數排悶欲以此自慰云云二月往哭忘憂堂

有祭三月遽還籍數篋而已七月卜居龜尾

村卜新居于龜水之陽又號龜老竹林茅屋

寄興溪山歌詠消夏嘗有詩曰新卜龜庄一

畝寬平臨碧澗背蒼巖力耕且足供飢飽小

構聊堪度暑寒移竹象梅存宿契喚鷗和鷺

託同歡從今老矣無餘事不信人間道路難

四十七年己未先生五十八歲月改葬左承旨公

于安平橋洞縣西石塔○姓

四十八年庚申先生九歲正月聞寒岡先生訃

哭之有詩 輓 十月哭金雲川○涌字道源

熹宗天啓元年辛酉先生十歲六月二月過孔谷有感

述詩左丞旨公嘗避亂是 三月與崔訥齋字

季敘話龜智山先生與崔公交契素厚至是

甚一朝紳謂先生曰其宰相語子才量願見

此亦足矣豈又汲汲干進乎子亦不可不慎

其行止未幾其人罹禍遠矣先生與崔公

二年壬戌先生一歲六月二月聞金人陷中州疆域

有撥憫遣憤遼陽歌等詩元集哭金東籬安

字而靜

三年壬寅元祖大癸亥先生六歲二月寓泉洞墳

菴菴在泉洞先墓下距家隔水先生以洞壑

其間稍窈便於養疾遂暫寓焉菴前故有小池

李敬亭赴京一時李宿先公生以朝贈詩一使來訪七

月除承政院同副承旨知製教兼經筵

參贊官春秋館修撰官辭不赴先生德望所

重恩擢親友無不勸行先生纔到比安縣陳疏

辭還其後敬亭李公祭先生文曰出納惟允

公執詩曰銀臺新命辭嚴名葛峯金公得

研祭文曰出處之正唯安義命東溪趙公祭

文日知微意之莫窺抗一疏而旋復云十月母夫人有疾自泉

洞往侍時吳夫人之敬家下十二月侍湯添宿疾

昇還龜村本第先生素患風痺屢月侍湯宿

休先生不許至奄奄不能省事遂扶昇每日

還家先生口不能言猶頻問母氏何嘗日

丁母夫人憂時先生疾既革無以省記試以

四年甲子先生三歲正月初八日考終于正寢

先生雖在奄奄常有母病何如之言既絕乃已三月十七日葬于義

城縣西北羽谷坊栗谷亥向原先生一生大

亂則屢除拜不赴聞廢主奔竄則潛然出涕至解新命則只以短疏謝病而從容宛轉

問有徵聲曰此物進母氏否

略無幾微蹤跡之可窺非樹立卓然德器渾成豈足與議後之尚論者有不可不知焉

二十祖大壬戌 贈嘉善大夫吏曹參判兼

同知 經筵義禁府春秋館成均館事 世

子左副賓客

顯宗大己酉八月士林建廟于藏待書堂之

右書堂在新禮洞西先生嘗卜築講書於斯

之義也至是一鄉合辭謂先生德義不可無

崇奉之所乃就堂之右卜地建廟邑宰道儒

典之相應副提學李公堂撰書送廟額

年十三壬子十二月奉安位版享○翊贊李公

享禱文常

肅宗大正壬午四月陞祠爲書院

二年丙戌七月豎碣石于墓前應大祖諫銘金博公

士南公
圖翼書

梧峯先生年譜終

梧峯先生別集跋

不佞雅聞梧峯先生之風慕悅不置辛酉夏適有嶠南之役迂轡訪先生舊庄徘徊顧眄殆有曠世之感焉乃公之玄孫上舍震龜氏以書一帙授不佞而言曰此吾先祖遺集也業已付劄厠氏顧詩文之散佚者近頗收拾而別錄且草成年譜一通將欲繼刊焉子其訂正而去取之以一語相斯役可乎不佞辭不獲遂敬受焉歸而率業有德者必有言其徵也夫觀其追拾詩文皆可以傳於後而貴精不貴多上舍亦云遂

不揆僭妄抄選若而首噫玄圃積玉取其夜光
不可謂棄者非寶也年譜亦贍核得記事之體
略加刪節而歸之乃若公行誼之卓出處之正
詞翰之華則紫巖之狀鶴沙之碑及李天祥權
台仲之序若跋盡之不佞又何贅

崇禎後再壬戌天中日宣城金履萬謹識

別集改編後識

記嘗刊畢先祖文集從祖上舍公追拾逸稿
若干篇因草年譜一通求識跋於青田金公
擬續刊未果後公歿幾年壬寅體仁以從叔
子上舍公諱道暉命不揆愚妄覓出公所藏逸稿次
輯去取爲別集一卷因就年譜草本旁搜曲
採考實釐正與別集合爲一冊略成編例蓋
嘗與宗姪鼎沃共事終始致力未幾沃忽寬
化從叔下世沃臨絕時語其弟鼎五我且死
若承吾志惟盡力先事是圖五旣葬其兄請

復就別集卒業要作定本體仁疾病衰頹因
循逮今迄未下手今年春五又請不已體仁
始力疾強起搜出舊本更加勘校繕寫得成
完篇蓋逸稿編載固以上舍公所拾爲本而
以所自新得諸篇並編若癸亥辭承旨疏此
爲吾祖末年大節而元集逸未收幸今得載
顧年譜草本不無合商量處規模色面有不
得不展拓更張依實修潤遂不嫌僭擬分條
立綱用大字標題輒以細註雙書稍換舊例
若可恨然顧惟此事適所以承公之草本而

欲卒成其事得追副從叔宗姪之意而俾無
遺憾何嘗別立爲一本哉故必一依章本所
載仍附金公識文于卷末俾後人得有所攷
而不沒其實云歲己酉元月丁丑六世孫體
仁謹書

木

--	--	--	--	--	--	--	--	--	--